

欽定大清會典事例

欽定大清會典事例卷四百七十五

禮部

喪禮

穆宗毅皇帝大喪儀三

光緒二年三月初十日。

暫安寢殿几筵前遣官行清明禮。供楮錢寶花一座。連

飯卓二十五張。羊九。酒十五瓶。陳

法駕鹵簿儀仗。衆皆齊集。不設

冠服。不讀文。不焚楮錠。所有承祭及執事各官均青長

袍褂。冠摘纓緯。設幕於門外。陳果筵於

几筵前。列饌筵於兩旁。陳羊酒於幕內。在

陵直班之王大臣侍衛等在

大門內排立。

陵寢大臣暨派撥官員等在

大門外各按翼排立。屆時承祭王入。至殿門外西旁立舉哀。衆隨舉哀。茶膳豫供。執事官進奠几。承祭王詣几前跪。衆隨跪。

陵寢內務府官執壺遮酒杯。承祭王祭酒三爵。每祭行一叩禮興。衆隨叩興。哀止。徹奠各退。二十三日。恭逢

穆宗毅皇帝聖誕。

皇帝御龍褂。挂朝珠。恭詣

奉先殿

壽皇殿各行三跪九拜禮。隨從人員均穿蟒袍補服。挂朝珠。

暫安寢殿几筵前。派親王恭詣門外行三跪九叩禮。行禮時。

陵寢官豫陳酒果。設鹵簿。

殿門敬閉。行禮之王大臣及在

陵之王公官員等俱素服戴雨纓冠。隨從行禮。停止舉哀。仍照常供獻。○六月初五日。

暫安寢殿几筵前。遣官行周月禮。停止安設。

冠服。其楮錠俟中元致祭時一同焚化。○二十八日。

皇帝萬壽聖節。

暫安寢殿几筵前。由直班王大臣二員穿素服戴雨纓冠。分詣門外各行三跪九叩禮。行禮時。

殿門敬閉。停止舉哀。○七月十五日。

暫安寢殿几筵前。遣官行中元禮。各用楮錠十萬。楮錢七萬。畫緞一萬。色楮二萬。連飯卓三十一張。羊九。酒九瓶。陳。

法駕鹵簿儀仗。衆皆齊集。所有承祭及執事各官。

均青長袍褂。冠摘纓緯。其小暑以後。立秋以前。

未焚楮錠。均於此祭。一同焚化。一應陳設禮儀。

與元年歲暮同。謹案前。几清明中元孟冬冬至歲暮。

致祭均與元年奉移安寢殿後各時致祭禮儀同。 督。○十二月初五

日。

暫安寢殿几筵前。遣官行二周年禮。各衙門文武官員。

仍派三分之一之半。隨同行禮。楮幣卓張羊酒。

暨一應禮儀。均與初周年同。○三年二月十四

日。欽奉。

慈安端裕康慶昭和莊敬皇太后

慈禧端佑康頤昭豫莊誠皇太后懿旨。穆宗毅皇帝龍馭上賓。倏經三載。本年三月。即屆釋服之期。歲月如流。彌深悽愴。我朝定制。皇帝於釋服後。一切慶典。均應次第舉行。惟現在梓宮尚未永遠奉安。若將應行典禮。照常舉行。於心實有不忍。且皇帝尚在沖齡。一切慶典。尚有未能親行之處。尤當權衡輕重。酌度咸宜。除朝賀大典。均仍照常舉行外。所有年終勤政殿賞蒙古王公茶飯。中正殿看跳布扎克賞喇嘛茶。正月間紫光閣筵燕蒙古王公外國使臣。均著暫緩舉行。其餘一切應行典禮。著各該衙門查照同治二年

成案。分別辦理。○又奏准。三月初五日。恭值二十七  
月服闋之期。經欽天監擇得三月初一日釋服  
吉。是日。

皇帝親詣

奉先殿行釋服禮。戴有纓冠。縞素冠服。由內務府派員  
送至

隆福寺暫安處。交

陵寢內務府敬謹收存。俟永安

地宮後。再行焚化。

太廟祫祭。亦俟

神牌升祔後舉行。仍於前一日遣官告祭。

中殿

後殿並

東陵

西陵。○三月初一日。

暫安寢殿几筵前。遣官行釋服禮。各衙門文武官員。仍派三分之一之半。隨同行禮。用楮錠五萬。楮錢四萬五千。色楮二萬。羊九。酒十三瓶。連飯卓二十五張。讀文致祭。眾皆齊集。所有承祭行禮執事各官。俱服青長袍褂。冠摘纓緯。禮畢皆綴冠。

纓。行禮儀節。與初周年同。○又奏准。釋服後一  
切祭祀。遵照同治二年成案遵行。○又

諭。現在雖經釋服。

山陵尚未奉安。所有官員等演戲讌會。仍著概行禁止。  
○二十三日。恭逢

穆宗毅皇帝聖誕。一應禮儀。與二年同。○六月初五日。  
暫安寢殿几筵前。遣官行周月禮。照例停止安設  
冠服。其楮錠俟中元致祭時一同焚化。○二十八日。

皇帝萬壽聖節。

暫安寢殿几筵前。遣官行禮。儀與二年同。○又奏准。

惠陵

隆恩殿內。應先期恭製龕案寶座寶椅衾枕幃幔等項。

今

穆宗毅皇帝

孝哲毅皇后永安

地宮。雖尚未有定期。惟一應事宜。自當仿照成案次第舉行。應請交工部內務府太常寺先行妥悉豫辦。以昭慎重。○十二月初五日。

暫安寢殿几筵前。遣官行三周年禮。各衙門文武各員。仍派三分之一之半。隨同行禮。一應服色祭品。

禮儀均與二周年同。○又奏准。嗣後忌辰致祭之文。由翰林院撰擬成式。交

陵寢大臣永遠遵行。○四年二月十四日

諭。新疆逆回倡亂十有餘年。我

穆宗毅皇帝宵旰焦勞。籌畫機宜。朕御極後。派左宗棠等督飭各軍。次第掃蕩。回疆各城一律肅清。洵堪上慰

在天之靈。著派禮親王世鐸詣

隆福寺

穆宗毅皇帝几筵前。恭代行禮。敬謹告祭。著翰林院迅

速撰文呈進。用昭誠恪。○十八日奏准。回疆肅清。  
擇於二十八日巳時。

暫安寢殿几筵前。行告祭禮。承祭王穿素服。冠摘纓緯。  
祭品由。

陵寢衙門備辦。○三月二十三日。恭逢

穆宗毅皇帝聖誕。一應禮儀。與三年同。○九月二十日  
諭。

穆宗毅皇帝梓宮

孝哲毅皇后梓宮永遠奉安

山陵日期。據欽天監奏。謹擇於光緒五年三月二十六

日。所有應行典禮及一切事宜。著各該衙門屆期敬謹豫備。○十一月十五日巳時。

惠陵恭懸扁額。十四日卯時遣王恭詣

暫安寢殿几筵前告祭。恭懸日。遣禮部堂官一員前往行禮。敬謹懸挂。○十二月初五日恭值

穆宗毅皇帝三周年後忌辰。

暫安寢殿几筵前遣官致祭。用楮錠五萬。楮錢五萬。色楮五萬。連飯卓三十一張。羊九。酒十五瓶。讀文致祭。陳

法駕鹵簿。衆皆齊集。承祭執事各官。均青長袍褂。

冠摘纓緯。儀與歲暮致祭同。○五年。三月十六日巳時。

穆宗毅皇帝

孝哲毅皇后升祔

太廟神牌書寫埽青。豫由京派往滿漢大學士各一員。屆時朝服上香。行三跪九叩禮。敬視書寫埽青畢。復行三跪九叩禮退。

陵寢大臣行一跪三叩禮。恭請神牌暫安奉於

惠陵東配殿。復行一跪三叩禮。該處官員。每日點香燈

守視。○二十一日。

皇帝恭奉

慈安端裕康慶昭和莊敬皇太后

慈禧端佑康頤昭豫莊誠皇太后啟鑾。途次御行衣。○

二十三日。以

梓宮奉安日期。遣官告祭

天

地

太廟後殿

奉先殿

社稷壇。

皇帝御青長袍褂。冠綴纓。至

隆福寺行宮。冠摘纓。恭詣

几筵前祭酒行禮。停止舉哀。禮畢。冠綴纓。

敦宜皇貴妃等位詣

几筵前奠酒。行叩謁禮。還宿次。是日。恭值

穆宗毅皇帝聖誕。仍由在

陵直班王大臣一員。恭詣

寢殿門外行禮。儀節與四年同。二十四日。

皇帝御青長袍褂。冠摘纓。詣

几筵前行祇告禮。分設畫緞

冠服篚於供牀。王公大臣及

陵寢大臣官員等均服青長袍褂。冠摘纓。齊集行禮。各  
用楮錠三萬。楮錢三萬。色楮三萬。連飯卓二十  
一張。羊九。酒十一瓶。讀文致祭。工部豫設八十  
人大昇輦二分於

隆福寺大門外。陳

法駕鹵簿儀仗。恭理王大臣禮部工部內務府鑾  
儀衛各官帶領搭綵頭目校尉等均穿駕衣。敬  
謹進小昇輦二分退出。屆奉移吉時。俟

敦宜皇貴妃等位奠拜畢。

皇帝詣

梓宮前東立西嚮舉哀。祭酒三爵。每祭行一拜禮。哀止。

內監恭奉

冠服篚送至燎所。

梓宮升大輦。

皇帝跪送。王以下文武大小各員均隨跪。禮部堂官分詣祭輦。各奠酒三爵。每奠行一叩禮。各焚化楮錢。

法駕儀仗步引前導。喇嘛於兩旁排列行走。

陵寢內務府官揚撒楮錢。俟

靈駕過。

皇帝由間道先往

惠陵祇候。

敦宜皇貴妃等位亦豫往

隆恩門內西配殿祇候。

梓宮至大紅門。遣王遙嚮

祖陵。恭代行禮。

梓宮至

陵。換小輦。

皇帝跪迎。恭導。

梓宮由中門入。安奉。

隆恩殿舉哀。衆隨舉哀。哀止。安奉。

冊。

寶於。

梓宮前兩旁案上。供果卓。

皇帝詣。

梓宮前舉哀。各祭酒三爵。每祭行一拜禮。衆隨舉哀。行。

禮。哀止。各退。

皇帝由左門出。

敦宜皇貴妃等位進

饗殿右門奠拜畢均回宿次。二十五日。

皇帝祇謁

昭西陵

孝陵

孝東陵

景陵

裕陵

定陵禮成後御青長袍褂冠摘纓詣

几筵前行遵奠禮陳設

法駕鹵簿儀仗。各用楮錠三萬。楮錢三萬。色楮三萬。連飯卓二十五張。羊七。酒十五瓶。照例齊集。敦宜皇貴妃等位亦奠拜如儀。讀文致祭畢。

冠服篚送燎。徹几案五供等項。恭奉。

梓宮升小輦。奠酒舉哀。

梓宮由中階下。循殿東行。

皇帝於左旁引上平臺。至。

蘆殿內。奉安。

梓宮北嚮龍輜上。陳。

冊

寶供奉果卓畢。

皇帝詣

梓宮前南嚮舉哀。祭酒三爵。每祭行一拜禮。衆隨舉哀。行禮。哀止各退。

敦宜皇貴妃等位詣

蘆殿

梓宮前奠拜畢。還宿次。二十六日。工部豫建

蘆殿於方城門外。設龍輜二於

蘆殿內正中。暨東次間。於方城接造平臺。支搭戲橋。

陵寢門外亦搭戲橋。入

地宮隧道自方城至

寶牀前。俱合龍輻輪轂。鋪墊木版。成造木軌。

寶牀前亦造木牀。高同龍輻。以備應用。工部內務府豫期慎簡工役。執事王大臣祇率將事。內外齊集。敦宜皇貴妃等位豫詣

蘆殿

梓宮前奠酒畢。至西稍間祇俟。屆時。

皇帝服縞素。入

隆恩門東門。由

隆恩殿東旁詣

蘆殿

梓宮前。南嚮舉哀。各祭酒三爵。每祭行一拜禮興。衆皆舉哀隨叩興。先奉

穆宗毅皇帝龍輜由軌道行入

地宮。次奉

孝哲毅皇后龍輜由軌道行入

地宮。太監執鐙前導。王大臣隨入。敬視奉安於

寶牀上。奉

冊

寶大臣豫行恭奉

穆宗毅皇帝

冊

寶

孝哲毅皇后

冊

寶以次安奉左右石几上。執事以龍輜木軌出。衆皆退。  
敦宜皇貴妃等位敬視奉安畢。於祭臺前奠拜如  
儀。還幄次。掩閉石門。大葬禮成。

冠服儀仗紙錠陳於燎所。一同焚化。

皇帝於祭臺前行告成禮畢。釋縞素。戴有纓冠。還幄。

次。所釋縞素。除孝帶。擗取一條。交。

陵寢大臣同罩套。遇祭焚化外。其餘由內務府照例分

賞。次日。以

山陵禮成。遣官告祭

昭西陵

孝陵

孝東陵

景陵

裕陵

定陵。並

后土

山神。○承祭王詣

隆恩殿行恭題

神主禮。鑾儀衛官豫設黃輿二。於

隆恩殿丹陛上。執事官設

寶座二。於殿之正中左右各一。前設供案。又前設香案。

陳牲牢俎豆。設題

主案二於香案之旁。一在東西嚮。一在西東嚮。黃緞枕  
褥具。設帛爵案於東旁稍次。設祝案於殿內稍  
西。設

神主櫛案於

寶座兩旁南嚮。啟櫛大臣二人恭請

穆宗毅皇帝神主

孝哲毅皇后神主連櫛各安奉於

寶座兩旁南嚮案上。讀祝官奉祝版設於案。屆時承祭

王及題

主大學士並執事陪祀各官咸朝服。贊引對引各官引  
承祭王由

隆恩門西門入。至正面西階詣殿檐下中間嚮上立。  
鴻臚寺官引王公百官各按翼排立。奉櫛大臣

二人進啟。讀。奉。

穆宗毅皇帝神主。恭安於東案西嚮。奉。

孝哲毅皇后神主。恭安於西案東嚮。各倚供於黃褥枕上。滿漢大學士二員。詣東案前東嚮。滿漢大學士二員。詣西案前西嚮。各行一跪三叩禮。興。各就題。

主位立。恭題。

神宇空處。題畢起。各奉。

神主於案上。行禮如初。贊引官引承祭王由殿西門入。

奉。

后主之王隨入。各詣題

主案前。承祭王恭奉

穆宗毅皇帝神主。安奉於第一位

寶座上。奉

后主之王恭奉

孝哲毅皇后神主。安奉於第二位

寶座上。各行一跪三叩禮興。贊引官引承祭王由殿西

門出。至檐下西旁立。奉

后主之王隨出。太常寺官設拜褥。

皇帝具禮服。詣

穆宗毅皇帝

孝哲毅皇后神案前。恭行三跪九拜禮興。還幄次。承祭  
王行虞祭禮。上香讀祝三獻。如大饗儀。禮畢。太  
常寺堂官嚮上跪。奏請

穆宗毅皇帝

孝哲毅皇后神牌升輿詣

太廟拊饗。奏畢。行一跪三叩禮。承祭王暨恭奉

后主之王。各詣

神牌前行一跪三叩禮。以次恭奉

穆宗毅皇帝

孝哲毅皇后神牌升黃輿。仍各行一跪三叩禮。

皇帝詣

黃輿前。恭行一跪三拜禮。避立東次。校尉舁輿。導以御仗黃蓋。前引後扈如儀。

皇帝於碑亭跪送

神牌後。詣更衣幄次。御尋常祀天青褂。挂朝珠。恭送神牌之王大臣暨侍衛官員等均換藍袍天青褂。挂朝珠。

神牌黃輿啟行。至王子山宿次。供奉於

黃幄內。遣親王恭代行夕祭禮。是日。禮工二部。太常

寺官詣

太廟中殿恭設

升祔神龕。○二十七日。二十八日。朝奠遣王行禮。夕奠皇帝親詣行禮。○二十九日。

皇帝還宮。王公大臣官員迎

駕時。穿蟒袍補褂。挂朝珠。是日。朝夕奠遣王行禮。○

閏三月初一日。朝夕奠遣王行禮。○初二日。朝

奠遣王行禮畢。校尉昇

神牌黃輿啟行。承祭王於西側跪。候過隨行。

穆宗毅皇帝

孝哲毅皇后神牌黃輿。由朝陽門入。

大清門。隨從王公大臣官員。俱朝服隨行。在京滿漢文武大臣官員朝服。於

大清門外祇候。恭俟。

神牌黃輿至跪。候過輿隨行。侍衛執提鑪二對前導。豫設。

皇帝更衣幄次於

太廟街門外。陳

法駕鹵簿於

午門外。樂設而不作。

皇帝御禮服乘輿出宮。至

太廟街門外降輿。入更衣幄次少候。俟

穆宗毅皇帝

孝哲毅皇后神牌黃輿至

天安門時。

皇帝出幄次。率諸王貝勒貝子公內大臣侍衛等恭  
迎。至

太廟街門南門外。

皇帝跪。王公大臣等俱跪。候

穆宗毅皇帝

孝哲毅皇后神牌黃輿過。

皇帝興。王公大臣等皆興。

皇帝退詣更衣幄次。敬俟。

神牌黃輿入。

太廟街門中門。恭代之承祭王。及奉

后主之王隨入。陪祀王以下各官按翼分班俱隨入。

神牌黃輿至甃城門東門外以次止。乃行。

升祔禮。詳見升祔儀。

欽定大清會典事例卷四百七十六

禮部

喪禮

孝慈高皇后大喪儀

孝莊文

皇后大喪儀

孝慈高皇后大喪儀○

太祖高皇帝癸卯年九月二十七日。

孝慈高皇后崩。喪斂祭饗儀物加隆。

太祖高皇帝不飲酒茹葷者踰月。越三載葬尼雅滿山。

岡○天聰三年二月恭建

太祖高皇帝陵。卜地於瀋陽城東二十里。渾河北石嘴。

頭山遣官奉遷

孝慈高皇后梓宮與

太祖高皇帝梓宮合葬

福陵

太宗文皇帝率諸貝勒大臣祭酒行禮。崇德元年四

月恭上

尊諡曰

孝慈昭憲純德貞順成天育聖武皇后。康熙元年恭

加上

尊諡曰

孝慈昭憲敬順慶顯承天輔聖高皇后。

孝端文皇后大喪儀。○順治六年四月十七日。

孝端文皇后崩恭奉。

梓宮於

宮中正殿設

几筵。建丹旒於

宮門外之右。親王以下。輕車都尉以上。公主親王

福晉以下。正黃鑲黃二旗輕車都尉三等侍衛

命婦以上。六旗雲騎尉命婦以上。各按翼齊集。

世祖章皇帝率王以下文武各官公主福晉以下官員

命婦皆成服。男摘冠纓，女去首飾。○凡初祭大祭，釋祭月祭百日等祭，一應禮儀咸與。

太宗文皇帝大喪禮同。○七年二月奉移。

寶位恭送。

昭陵行加上。

尊諡禮合葬。

昭陵禮奉移禮三次祭文均內院撰擬前期禮部官恭奉至。

殯宮設西旁黃案上。

尊諡日設黃幄於。

殯殿外大學士奉

冊文設黃案上恭上

尊諡曰

孝端正敬仁懿莊敏輔天協聖文皇后是日

皇妃公主福晉以下貞勒夫人縣君一品夫人以

上親王以下一品官以上按翼序列

殯宮前奠獻饌筵

世祖章皇帝跪祭酒三爵衆皆跪三叩徹奠畢大學士

奉

冊宣讀內院官奉祭文宣讀衆皆跪宣畢興奉祭文送

燎所焚畢衆皆退。○前期禮部官奉

升祔

太廟

神主至內院奉安黃案上。上香。大學士一跪三叩興書尊諡於

神主。又於

殯殿西張黃幄於路之正中。內設黃案二。奉移日黎明大學士一人於

神主案前一跪三叩恭奉

神主奉安黃亭內。一跪三叩。內官昇亭前列

御仗一對至黃幄止。大學士詣亭前一跪三叩奉  
神三奉安黃幄內黃案上。上香候  
靈駕至。往送各官進。

殯殿內行奉移禮祭酒三爵恭奉。

寶位奉安黃輿。啟行至黃幄前暫停。大學士一人詣幄  
內黃案前一跪三叩興於。

神主上點石青畢。一跪三叩興。往送各官奉。

靈駕啟行。大學士奉。

神主回行。附。

廟禮。

靈駕至

昭陵合葬

地宮咸與

太宗文皇帝大喪儀同

孝莊文皇后大喪儀。康熙二十六年十一月二十一

日。

聖祖仁皇帝以

太皇太后不豫詣

慈寧宮問安嗣後日在

左右。

躬親侍奉。竭誠默禱於

宮中。遣官詣各寺廟進香祈禱。○二十七日

諭刑部現監重犯。概予減等。以祈

太皇太后遐算。欽此。二十九日。

太皇太后疾漸劇。

聖祖仁皇帝憂慮愈切。

躬禱。

郊壇乃

親製祝文。辭旨懇篤。有願減臣齡以增

慈壽語。十二月初一日。

親率王以下文武各官自

宮中步詣

天壇祈禱

如祈禱儀

讀祝文時

聖祖仁皇帝涕泗交頤陪祀諸臣無不涕泣祀畢  
聖駕還仍在

慈寧宮侍疾是日

太皇太后疾少瘳初十日內閣部院諸臣以

聖祖仁皇帝勞瘁過甚疏請還宮少休不允十二日請

王內大臣侍衛部院堂官詣

慈寧宮門前跪奏

聖躬自

太皇太后違豫以來寢食捐忘憂勞日甚請開一還宮  
稍為休息奉

諭

太皇太后病勢漸覺沈篤朕心憂灼片刻難離亦不允  
至二十五日

太皇太后崩

聖祖仁皇帝擗踊哀號呼天搶地哭無停聲水漿不入  
口恭奉

梓宮於

宮中正殿設

几筵建丹旒於

宮門外之右

簡命親王進爵大臣恭理喪儀。○頒

大行太皇太后遺誥親王以下入八分公以上內大臣  
侍衛等於

永康左門外齊集不入八分公以下文武各官於  
午門外齊集大學士奉

遺誥詣

慈寧門內黃案上王等齊集畢大學士由黃案上奉

遺詔授禮部堂官。禮部堂官跪受興奉出。

永康左門外置黃案。行一跪三叩禮。王以下八八

分公以上。內大臣侍衛等行三跪九叩禮。以下皆不

拜跪候宣讀畢。舉哀復行三跪九叩禮。禮部堂

官由黃案上奉

詔置雲盤內。授禮部官。禮部官跪受興黃蓋

御仗前導至

午門外置層臺案上。張黃蓋。不入八分公以下及

文武各官。行三跪九叩禮。跪候宣讀畢。舉哀復

行三跪九叩禮。畢。禮部官奉

詔置龍亭內行一跪三叩禮黃蓋

御仗前導由

大清門出至禮部恭送案上禮部堂官行三跪九叩禮刊刻後遣官頒行天下○是日

儀駕全設

孝惠章皇后

聖祖仁皇帝

皇太子

皇子

妃

嬪公主咸成服。王以下文武大小各官齊集於

永康左門外。內府官員等齊集。

永康左門內。公主親王。福晉以下。縣君奉恩將軍。恭人以上。民公夫人以下。副都統侍郎男夫人

以上齊集。

永康右門外。咸成服。內府三旗大小各官執事人。護軍領催及內管領下食錢糧男婦皆成服。每日三次奠獻時。

聖祖仁皇帝親上食祭酒行禮。齊集王以下各官。公主。福晉以下命婦等咸隨行禮。○初喪三日內每

日哭臨三次。王以下入八分。公以上。內大臣、大學士等及外藩王以下。公以上。至姻戚台吉等。禮部、工部、理藩院堂官入。

永康左門至

慈寧門內丹陛上序立。不入八分。公以下侍衛滿漢

文武各官在

永康左門外

漢文武官由鴻臚寺分班隨八旗哭臨

內府官員等在

永康左門內公主親王福晉等內府命婦入

慈寧門內西旁世子福晉以下奉恩將軍恭人及男

夫人以上在

永康右門外舉哀。公主福晉以下及命婦。每日早

齊集至晚各退。

進上乘馬。公以下夫人步。行從人。

親王福晉准隨七名。世子郡王福晉六名。貝勒夫人五名。貝子夫人四名。入八分公夫人三名。

不入八分公夫人及一品命婦各二名。二品以下命婦各一名。公主以下乘馬步行及從人名數各按福晉等品級其齊。

集處設席。棚青布步障。第四日後王公內大

臣侍衛大學士學士等上三旗都統副都統等

外藩王貝勒貝子公台吉等每日哭臨三次。文

武各官每日哭臨二次。凡二十七日。自初喪王日為始。

以下入八分公以上於

梓宮未發引時在

永康左門外齋宿發引後在

午門外齋宿不入八分公以下部院官並閒散各  
官二十七日內皆在

午門外齋宿外藩王等每日哭臨畢各歸寓邸○

舊制宗室公以上服緇素今以

聖祖仁皇帝自持麤布服乃皆改用布王以下各官不

嫁娶不作樂齋戒二十七日軍民人等摘冠纓

婦女去首飾各齋戒二十七日在京寺觀各聲

鐘三萬杵部院衙門文移皆用藍印惟題本用

硃印

詔旨藍筆批答。○凡

儀駕每日陳設二次。至滿月止。遇祭期仍設。○凡外藩公主福晉等至京。即入

永康右門詣

几筵前行禮舉哀。王以下台吉以上至京。理藩院官導  
入

永康左門在

慈寧門外行三跪九叩禮。立東旁舉哀。外藩公主王  
等三十七日內至京者。令成服。除服後至京者。  
男摘冠纓。婦女去首飾。各三日。○遣侍衛二人

頒

遺詔於朝鮮國。至日。令遵例制服。在京朝鮮等國使臣。工部給孝服。免其齊集。○凡罷黜宗室覺羅官。仍給孝服。原品休致文武大員及八旗候補文武各官。皆給孝服。凡請假丁憂終養四品以上漢文官。皆令來京詣

梓宮朝謁禮畢即回。○禮部以致祭品物奏請奉旨。孝務自盡其心。不在儀物多寡。所用祭品皆照

世祖章皇帝往例。○二十九日行殷奠禮。陳金銀錠

以楮

為三萬楮錢楮帛各三萬。饌筵二十一席。羊九

酒十一尊陳

冠服於

几筵設俎豆饌筵王以下百官外藩王等及公主福晉  
以下大臣命婦咸齊集如常儀禮部堂官一人  
奉祭文禮部堂官二人前引詣

永康左門入

慈寧門進至

慈寧宮檐下西旁設於案上內務府官陳設祭品畢

聖祖仁皇帝詣

几筵獻茶上食讀祝官奉祭文跪

聖祖仁皇帝跪哀暫止衆皆跪讀文畢進爵親王進爵  
聖祖仁皇帝祭酒三爵每祭行一拜禮衆隨行禮畢興

舉哀徹饌王以下皆出讀祝官奉祭文禮部堂

官前導由中門出奉安燎所畢衆皆退凡祭中  
內府女

官等奉  
親王福晉祭酒三爵衆隨行禮

聖祖仁皇帝自

太皇太后寢疾以來晝夜侍奉不遑少休

天顏清減遺喪之後哀慟過切

聖容殫瘁益甚諸王羣臣惶懼合詞疏請節哀報

聞外藩王等亦奏請節哀

聖祖仁皇帝慰諭之仍哭踊不已諸王大臣以除夕請  
聖駕暫還宮不允○二十七年正月朔諸王大臣以元  
旦令節再三奏請節哀還宮仍不允惟令王以  
下輟哭一日○初二日

諭內府三旗命婦等日以一旗分班入臨○先是奉  
諭朕八齡

皇考世祖章皇帝升遐十一歲

皇妣慈和皇太后崩逝茲遭大故回思早喪怙恃益增  
哀疚今欲獨持服二十七月於宮中少慰罔極之慟  
幾政不致曠廢欽此諸王大臣感悚合奏帝王之孝

與臣民不同。自古人主無不以日易月。願仰遵遺誥守易月之典。不允。諸王大臣又奏祭為吉禮。必於除服之後。若使

郊廟神靈少有弗敬。

太皇太后之靈亦必不安。

皇躬獨持服宮中。非君民一體之義。若中外一體持服。停止祭祀音樂嫁娶有妨生業。奉

諭朕意已定。仍斷來章。於是王公羣臣公疏跪奏於慈寧門。復不允。還其疏。諸王大臣往復數次。敦請

聖意益堅。內閣九卿翰林詹事六科各道御史。或公疏

或特奏力陳不可。已而國子監官率監生五百餘人伏

闕上書請遵

遺詔。從廷議。諸王大臣免冠叩首固請。乃勉從衆議。猶欲持服百日。諸王大臣復固請乃已。○初八日。諭禮部恭議上

大行太皇太后尊諡復

諭曰

太皇太后升遐未久。祭文內不書

徽號。遽易

尊諡朕心深為悲慟俟奉安

寢園後始稱

尊諡以祭。○初九日行啟奠禮陳設禮儀與殷奠同。○

發引前期奏派近

靈駕王公姻戚。○十一日奉移

梓宮至朝陽門外

殯宮。先是欽天監擇二十六年十二月二十九日發引。聖祖仁皇帝諭以期太速諸臣以舊制喪事不令踰年奉

論朕殊不避忌。如果有所忌朕躬當之。否則虛誕其令

後人曉諭以朕為法遂令別擇吉於正月十一日發引是日儀仗全設奉

徽號冊寶陳於綵亭在黃蓋前行昇輦校尉民夫

首班末班

用校尉餘用民夫八十人昇丹旒人夫六十四人文官

三品京堂以下科道郎中以上武官公侯伯一

等侍衛以下參領輕車都尉王府長史以上每

班各四人管束夫役工部夫頭四人司擊響尺

鑾儀衛官更番指示進退

後仿此

王以下貝子以

上年老者及外藩姻戚王以下台吉以上年老

者於

武英殿前齊集以上齊集王等及公主子孫皆令

近

梓宮隨行王以下奉恩將軍以上內大臣侍衛外藩王  
以下台吉以上於

東華門外分翼齊集左翼民公以下各官於鐘市  
口右翼民公以下各官於紅廟大街口齊集至  
期焚楮錢恭理喪儀大臣及內務府工部鑾儀  
衛堂官率夫役進小輦

聖祖仁皇帝祭酒三爵悲哀益切稽顙痛哭環抱  
梓宮不已近臣再四懇勸始移

梓宮啟行至

永康左門外登大昇輦禮部堂官祭舉

靈駕發由

雍和門

協和門出

東華門

東安門至朝陽門外所過門橋遣內大臣祭酒三

爵焚楮錢

聖意欲步送豫斷輿鞞諸臣不知尚思固請乘輿見鞞  
斷乃不敢言竟於

靈駕前步行。沿途哭不停聲。每更昇校時。輒跪道旁哀

慟。

孝惠章皇后及

妃等豫往。

殯宮祇候。

慈寧宮人皆於

靈駕後乘輿隨行。

車皆用青帷。

內府婦女一百八十人乘馬

隨行。王以下官員齊集者各候。

靈駕至。舉哀跪迎。隨行哭送。內務府官在豹尾班後隨

行。公主福晉以下及大臣命婦先至。

殯宮二門外分翼序立。漢文武官先詣

殯宮牆外齊集候

靈駕至。各舉哀跪迎。執事各官進小舉恭奉

梓宮進殿奉安畢設

几筵。內務府官奉

冊

寶分設

几筵左右焚楮錢丹旒。

聖祖仁皇帝祭酒三爵。號哭良久。王以下各官公主福

晉以下及大臣命婦皆隨行禮。舉哀畢各退。

聖祖仁皇帝居

殯宮旁倚廬不還宮。三日始設褥。每日三次奠獻。時率

王公大臣侍衛外藩王公台吉等於

几筵前上食舉哀。十三日行初祭禮。

儀駕全設。陳楮錠二十萬五千。楮錢十有四萬五千。各色畫緞萬端。楮帛五萬端。饌筵八十一席。羊二十七。酒四十一尊。王以下文武各官外藩王等及公主福晉以下大臣命婦咸齊集。讀祝官奉祭文跪。

聖祖仁皇帝跪。衆皆跪。讀文畢。祭酒三爵。慟哭盡哀。衆

皆隨行禮。舉哀畢，讀祝官奉祭文至燎所。

命親王、福晉祭酒三爵。衆皆退。○次日，繹祭。

親率王、公、大臣侍衛外藩王、貝勒、貝子、公、台、吉等舉哀。致祭行禮如常儀。諸王、大臣屢請還宮。

聖駕乃還幕居於

乾清門外之左。○是日奏准

梓宮照例漆飾四十九次。○十七日

親率王、公、大臣侍衛外藩王、公、台、吉等詣

太皇太后殯宮舉哀。

嗣後每日三

次舉哀。○二十一日行大祭禮。

親奠酒致祭。齊集舉哀，讀文行禮，均與初祭同。是日滿

二十七日

孝惠章皇后及

妃等皆於本處分令命婦除服

聖祖仁皇帝率

皇太子

皇子詣

梓宮前行三跪九拜禮分令內大臣除服公主福晉等  
在院內原立處序立候奉

冠服至跪舉哀候過興隨行王以下各官豫出大門外  
分翼序立八八分公夫人以下大臣命婦出角

門在燎所兩旁序立候奉

冠服至燎所衆皆跪祭酒時皆隨行禮畢各除服  
聖祖仁皇帝軫念

太皇太后姻戚外藩王貝勒貝子公台吉等以  
太皇太后所遺白金幣帛分別親疏

頒賞令於

几筵前謝

恩○次日繹祭

親率王等舉哀致祭行禮如常儀畢乃還居於

乾清門內側殿仍服布服衣履不解○二十四日

聖祖仁皇帝見

孝惠章皇后哀慟勞瘁。

慈顏瘦減。遣大臣內監奏請滿月致祭時。

聖躬不必親往。

孝惠章皇后不允。○外藩王等因喪事進獻馬匹等物。

如例。

特加軫念。令各減數。王以下公以上納馬三匹。台吉以

下納馬一匹。○二十五日。行周月禮。陳楮錠五

萬楮錢五萬。饌筵二十一席。羊九。酒九尊。

聖祖仁皇帝親詣。

殯宮。王以下。鎮國將軍以上。民公以下。滿漢文武三品官以上。公主福晉以下。鎮國將軍夫人以上。民公夫人以下。都統尚書子一品夫人以上。齊集舉哀祭酒行禮如常儀禮畢。

聖駕還宮。○嗣後

聖祖仁皇帝常詣

殯宮上食舉哀。或還側殿。或居

殯宮倚廬。越日乃還。每遇滿月致祭。清明致祭。

親詣祭酒。王以下齊集舉哀行禮。與初周月同。○四月

初三日。行百日禮。陳楮錠五萬。楮錢四萬五千。

楮帛二萬。饌筵二十五席。羊九。酒十三尊。

聖祖仁皇帝親詣

殯宮。王以下各官外藩王等及公主福晉以下大臣命婦齊集。舉哀讀文致祭行禮。如大祭儀。○初五日。行祖奠禮。陳楮錠五萬。楮錢楮帛各五萬。饌筵三十一席。羊九。酒十五尊。

聖祖仁皇帝親詣

殯宮。王以下鎮國將軍及內大臣侍衛都統尚書子以上。並內府官員公主福晉以下。鎮國將軍夫人及都統尚書子一品夫人以上。及內府男婦齊

集舉哀讀文致祭行禮如大祭儀。○大葬前期開列總理喪儀大臣並禮工二部內務府總管姻戚大臣請

旨欽派者方得入

地宮執事並開列管押匠夫官四人職名暨夫匠人數具奏其執香鐙內監交總管內監等奏除內監十人此外不得擅入。○初七日由

殯宮奉移

梓宮啟行

儀駕全設昇大昇輦校尉民夫一百二十八人

班首

未班用校尉餘用近畿民夫共分六十班日用三十班每班

備四人城夫鄉夫除給衣服盤費外仍各免本身一年丁銀計夫役七千

九百二十人直隸巡撫總今改率司道府州縣等

官管轄前來會同在京三品京堂以下科道主  
事以上八旗遴選公侯伯以下雲騎尉以上及  
前鋒參領護軍參領上三旗一等侍衛下五旗  
王府長史散騎郎一等護衛等官每班各四人  
管束工部夫頭四人豫備四人分為兩班輪擊  
響尺節示進退鑾儀衛官更番指示王以下奉  
恩將軍以上在土城關外大路南齊集內大臣

侍衛及內府官員在

日壇北齊集覺羅民公以下滿漢文武各官

三品職掌以上

官員額三分之二在署辦事其一分由各衙門奏請隨送

及行聖公五經博

士等在八里莊西分翼齊集內監等在

殯宮大門外東旁齊集公主福晉以下奉恩將軍及副

都統侍郎男夫人以上在大門外齊集內務府

婦女在兩旁牆外序立至期焚楮錢

聖祖仁皇帝哀慟不勝祭酒三爵每祭行一拜禮衆皆

隨行禮舉哀禮畢奉移

梓宮至大門外登大昇舉禮部尚書祭輦三祭三叩興

靈駕發

徽號玉

冊玉

寶恭設輿內前行

聖祖仁皇帝哭踊扶掖步行三里餘始乘馬昇夫更班

時必下馬跪道旁沿途哀慟哭不停聲所過門

橋遣內大臣祭酒

孝惠章皇后及

妃等由別道行

因隨送王以下各官豫往前

王以

下官員命婦齊集者各候

候迎者恭恐道壅難及故

靈駕至。舉哀跪迎。候過輿。不隨送王以下各官及公主  
福晉命婦各退。隨送王以下各官及

慈寧宮人公主福晉等並內府婦女各按隊乘馬及輿  
隨行

靈駕將至

蘆殿

聖祖仁皇帝下馬步哭。王以下各官至第七班豫往序  
立

蘆殿北門外

靈駕至。跪哭隨後行。奉安

蘆殿祭酒行禮。衆隨行禮。舉哀畢各退。○在途每日早

設

儀駕

聖祖仁皇帝祭酒號慟步行數里。每昇夫更班。輒親行審視。將至

蘆殿復號慟步行如初。啟行時王以下齊集跪哭送迎。如前儀。○沿途百里內文武官跪迎。

靈駕於道右舉哀候過。至宿次在正門外行三跪九叩禮。上食時隨衆行禮。○十四日禮部以是日丙辰例不哭泣。奏請勿詣。

靈前不允。是日守。

暫安奉殿並執事各官及守。

孝陵

孝誠仁皇后

孝昭仁皇后陵寢不直班各官皆至淋河舉哀跪迎候。

過隨行

靈駕至奉安

梓宮於

饗殿設

几筵遣官祇告

孝陵

孝誠仁皇后

孝昭仁皇后陵寢嗣後每日詣

几筵前奠獻三次。王以下各官齊集舉哀行禮。○十五

日。

聖祖仁皇帝奉

孝惠章皇后率

妃等恭謁

孝陵行三跪九拜禮。祭酒三爵。每祭酒一拜興舉哀詣

孝誠仁皇后

孝昭仁皇后陵寢祭酒三爵舉哀惟

妃等行六肅三跪三叩禮○朝鮮國使臣進香於饗殿致祭送往王以下各官咸齊集鳴贊官贊使臣行三跪九叩禮讀文祭酒時遣王一人祭酒衆隨行禮舉哀畢復贊使臣行二跪六叩禮畢各退○十六日扈從王以下各官恭謁

孝陵

孝誠仁皇后

孝昭仁皇后陵寢行三跪九叩禮興舉哀○十七日行奉安禮陳楮錠三萬楮錢楮帛各三萬祭筵二

十五席羊七酒十五尊。

聖祖仁皇帝祭酒王以下各官齊集舉哀行禮如儀。

十八日行遣奠禮。

儀駕全設王以下各官序立。

饗殿右。

聖祖仁皇帝祭酒三爵王以下各官隨行禮。

梓宮出。

饗殿衆皆跪舉哀候過隨行至大門外分翼序立。公主福晉等及內府婦女豫往大門內琉璃花門外分翼序立奉安。

暫安奉殿內務府官奉

冊

寶分設

梓宮左右

聖祖仁皇帝祭酒三爵。王以下各官隨行禮。舉哀奉安梓宮時。

聖祖仁皇帝躬親舉扶安設。復哀慟祭酒三爵。行三跪九拜禮。眾隨行禮。舉哀畢各退。○十九日遣官祇告。

孝陵

孝誠仁皇后

孝昭仁皇后陵寢

聖駕駐蹕近

陵所在俟修理殿工。○二十二日

親詣

暫安奉殿視封掩畢祭酒三爵哀慟良久

聖駕乃還京。○設

暫安奉殿奉祀郎中一人員外郎二人讀祝官二人贊

禮郎四人筆帖式四人內務府關防筆帖式二

人凡應行文移用

孝陵奉祀關防內務府應行事宜用

孝陵修造關防皆不別給每旗設防禦二人皆以

孝誠仁皇后

孝昭仁皇后陵寢官員諳練者調補一半守護兵八十

名附

孝陵總管統轄內務府郎中一人內管領一人尚茶正

尚膳正各一人其餘內監人等悉按

孝陵例設。○五月初五日內閣會翰林院詹事府恭擬

尊諡曰

孝莊仁宣誠憲恭懿翊天啟聖文皇后議上令該衙門

擬撰冊文。○八月十二日。喀爾喀額魯特因喪事各進獻馬匹等物。○十月十六日。恭上

尊諡前期四日。

尊諡冊寶啟行。鴻臚寺官設黃案二於

太和門階上正中。設綵亭二於

太和門階下。大學士二人奉香

冊

寶奉安案上。一跪三叩。降階立左旁。禮部官豫奉絹

冊

寶陳於綵亭內。

不行禮

鴻臚寺官奏請

聖祖仁皇帝素服御太和門禮部堂官恭導詣

冊

寶案左旁西嚮立大學士詣案前一跪三叩興奉

冊

寶陳綵亭內仍一跪三叩興禮部堂官恭導由中階降至階下正中南嚮立校尉昇行

冊亭在前

寶亭在後

御仗二對黃蓋前導執事各官隨後行俟

冊

寶亭出

午門禮部堂官奏禮成

聖祖仁皇帝還宮。王以下各官在

午門外齊集候

冊

寶亭至。跪候過興。各退。應隨往大臣官員。

由各衙門隨  
奉請隨往隨

冊

寶亭出

長安左門各乘馬按旗行沿途五十里以內各官

候

冊

寶亭至。跪迎候過興。每日至宿次。大學士等詣

冊

寶亭前一跪三叩恭奉

冊

寶奉安幄內案上一跪三叩退。次日由案上奉請及奉  
安綵亭時均各行一跪三叩禮。○前期一日遣  
官祇告

天

地

太廟後殿

奉先殿

社稷

聖祖仁皇帝先期起行王以下入八分公以上隨行

由宗

人府奏至  
請隨往

尊諡日

聖祖仁皇帝親詣行禮內鑾儀衛官設

孝莊文皇后儀駕於

暫安奉殿大門外太常寺官點香燭供果品鴻臚寺官

設案一於階上正中又設案一於左旁守

陵官員在下馬牌處齊集候

冊

寶亭至。跪候過隨行。

冊

寶亭由中門入。至階上左旁止。

聖祖仁皇帝至大門外下馬。內大臣侍衛在大門外序立。贊引官恭導由大門左門入。至階上西嚮立。大學士等詣亭前一跪三叩奉

冊

寶設左旁案上。典儀官贊執事官各共乃職。贊引官恭

導

聖祖仁皇帝就拜位奏行三跪九拜禮興贊跪

聖祖仁皇帝跪贊進

冊大學士詣左旁案前奉

冊跪獻

聖祖仁皇帝受

冊拱獻仍授大學士奉立次贊進

寶大學士詣左旁案前奉

寶跪獻

聖祖仁皇帝受

寶拱獻仍授大學士等同奉

冊

寶恭安正中案上各一跪三叩退贊宣

冊宣

冊官詣正中案前一跪三叩奉絹

冊跪拜位左北嚮宣畢興奉

冊立贊宣

寶宣

寶官詣正中案前一跪三叩奉絹

寶跪拜位右北嚮宣畢興各奉

冊

寶設正中案上行一跪三叩禮退贊引官奏跪拜興

聖祖仁皇帝行三跪九拜禮興次行致祭禮贊引官贊  
行三跪九拜禮衆隨行禮畢典儀官贊行初獻  
禮奉帛爵官奠獻訖讀祝官詣祝案前一跪三  
叩奉祝文跪贊引官奏跪

聖祖仁皇帝跪衆皆跪贊讀祝官讀畢奉安於帛  
匣內三叩退贊引官奏拜興

聖祖仁皇帝行三拜禮衆隨行禮典儀官贊行亞獻終  
獻禮如前儀贊引官贊

聖祖仁皇帝行三跪九拜禮。衆隨行禮畢。典儀官贊恭

送祝帛詣燎位奉絹

冊

寶祝帛官各奉送詣燎位

聖祖仁皇帝至東旁立

冊

寶祝帛過復原位立。燎半。奏禮成。大學士等奉香

冊

寶行

聖祖仁皇帝隨至

暫安奉殿內務府總管等恭奉安設畢贊引官恭導詣  
拜位行一跪三拜禮畢

聖祖仁皇帝出還京○十九日行恭題

神主禮前期工部造成

神主至期滿漢大學士各一人皆朝服盥手詣香案前  
跪上香畢一跪三叩興於

神主空點處用石青填畢復行一跪三叩禮興各退○  
二十二日奉

孝莊文皇后神主升祔

太廟詳見升祔儀是日並

升祔

奉先殿○雍正二年

諭欽惟

孝莊文皇后躬備聖德

天錫純禧誕育

世祖章皇帝瑞應昌期君臨萬國逮我

聖祖仁皇帝繼聖嗣統久道化成立萬世無疆之業皆

我

孝莊文皇后福德兼隆之所啟佑也康熙二十六年十

二月

慈馭升遐先期

面諭我

聖祖仁皇帝曰。我身後之事。持以囑汝。

太宗文皇帝梓宮安奉已久。卑不動尊。此時未便合葬。若別起塋域。未免勞民動衆。究非合葬之義。我心戀汝父子。不忍遠去。務必於遵化安厝。我心無憾矣。再四丁寧。言言懇切。我

聖祖仁皇帝涕泣受

命爰

命諸王大臣集議。僉同。於康熙二十七年四月安奉。

梓宮於

孝陵之南為

暫安奉殿。迄今三十餘年矣。朕惟禮經曰：合葬非古也。先儒又云：神靈有知，無所不通。是知合與不合，惟義所在。今

昭陵安奉日久。若於左右別起山陵，究非合葬之義。且  
自

孝莊文皇后安奉以來，我

聖祖仁皇帝歷數綿長，海宇乂安，子孫蕃衍。

孝莊文皇后在天之靈，極為安妥。

遺命諄諄

聖祖仁皇帝遵奉三十餘年。今朕身任付託之重。

山陵典禮。理應斟酌盡善。以垂萬世者。莫大於此。著諸王大臣九卿等會同確議具奏。欽此。遵

旨議定。

暫安奉殿自

聖祖仁皇帝親受

孝莊文皇后遺命。奉安三十餘年。景運綿長。子孫蕃衍。

海宇乂安。尤為佳兆。稽考古禮。無必當合葬之

文。應即

暫安奉殿營建

地宮稱

昭西陵遣大臣二人同欽天監官前往相度繪圖進呈御覽以

昭西陵距

昭陵甚遠與

孝東陵密邇

孝陵不同應請特建碑亭擇吉動土於前期遣官祇告

太廟

永陵

福陵

昭陵

孝陵

孝東陵又特撰文祇告

景陵詳陳

皇帝恪遵

聖曾祖母遺命仰體

皇考孝思營建告成擇於三年十二月初十日安葬

寶城地宮○三年以議定即

暫安奉殿為

昭西陵擇吉奉移

孝莊文皇后梓宮永遠奉安

世宗憲皇帝

孝敬憲皇后率

妃

嬪詣

昭西陵行禮前期告祭禮畢

駕還京○十二月

孝莊文皇后梓宮奉安

地宮前期三日遣官祇告

天

地

太廟

社稷又遣官祇告

永陵

福陵

昭陵大葬日遣官祇告

孝陵

孝東陵

景陵屆吉時恭奉

梓宮登龍輜由隧道入

地宮安奉

寶林畢禮成遣官祭

后土

昌瑞山之神